



Anthon Frederiksen
Inatsisartunut ilaasortaq
Inatsisartut
/MAANI

Sermiligaap Kangerluani misileraalluni aalisarneq pillugu § 37 naapertorlugu apeqqutip nr. 2015-225-ip akineqarnera

14-09-2015
Suliap normua 8504
All. nr. 1096957

Inatsisartut Suleriaasianni § 37, imm. 1 naapertorlugu aalisarnermut tunngasunik Naalakkersuisunut apeqquteqaateqarputit. Apeqqutit uannut akineqartussanngortinneqarsimapput.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

Apeqqutit:

1. Sermiligaap Kangerluani misileraalluni aalisartoqarpaa ?
2. Taamaattoqarsimappat angallatit qassit suminngaanniillu misileraappat ?
3. Misileraanermi qassutit atorineqarnissaat akuerineqarsimavaa ?
4. Qassusersorneq akuerineqarsimanngippat Naalakkersuisut qanoq iliorniarpat ?
5. Sermiligaap Kangerluani angallammiit oliaarluartoqarsimaneranik Naalakkersuisut ilisimatinneqarsimappaat?
6. Sermiligaap Kangerluani oliaarluartoqarsimaneranut tunngatillugu Naalakkersuisut qanoq iliuuseqarniarpat?

Akissutit:

Ad 1) Aap, Sermiligaap Kangerluani misileraalluni aalisartoqarpoq. 2015-imut tunngatillugu Tunumi sinerissap qanittuani misileraalluni aalisartitsisoqarpoq, tassanilu kangerlunni aamma sømilinik pingasunik killeqarfik angullugu aalisartoqarnissaanik akuersissuteqartoqarsimavoq, tassa Tunu tamakkerlugu nunap iluaniittuni.

Ad 2) Tunumi sinerissap qanittuani misileraalluni aalisarnissamut aalisarsinnaanermut akuersissutinik peqartut sisamat akuerineqarsimapput. Kalaallit Nunaanni Aalisarsinnaanermut Akuersissutinik Nakkutilliisoqarfik malillugu Sermiligaap Kangerluani angallatit marluk aalisarnermik ingerlatsisimapput. Angallatit taakku 2015-ip ingerlanerani Tunumi sumiiffinni assigiinngitsuni arlalinni aalisarsimapput. Angallatit aappaa Sermiligaap Kangerluata paavani sivikitsumik aalisarsimavoq, angallatillu aappaa kangerluup qinnguini marluusuni misileraasimavoq. Angallat kingullertut taaneqartoq nakkutilliisumik Kalaallit Nunaanni Aalisarsinnaanermut Akuersissutinik Nakkutilliisoqarfimmeersumik ilaasoqarpoq.

Ad 3) Misileraalluni aalisarnermi taaneqartumi qassutinik, ningittakkanik pullatinillu aalisartoqarsinnaanera akuerineqarpoq. Piujuartitsineq siunertarlugu aalisarnerup teknikkkut iluarsartuussivigineqarnera pillugu Namminersorlutik Oqartussat nalunaarutaanni nr. 12, 17. november 2011-meersumi § 10 naapertorlugu sinerissap qanittuani qassutinik aalisarnissaq akuerineqarpoq, akerlianilli qalorsuit unguniutillu atorlugit aalisartoqaqqusaanani. Aammattaaq Kommuneqarfik Sermersuumi inuussutissarsiuqalugu qaleralinniarnermut tunngatillugu lleqqoreqqusaq 26. november

2013-imeersaq atuuppoq. Kommunimi ileqqoreqqusaq siuliani taaneqartoq naapertorlugu qassusersorluni qalerallinniarneq Kommuneqarfik Sermersuumi Tunup sineriaani akuerineqarpoq.

Ad 4) Qulaani allanneqartut takoqquneqarput.

Ad 5) Sermiligaap Kangerluani uuliakoortoqarsimasinnaanera pillugu Naalackersuisut tusagassiorfinnut nalunaaruteqarput ulloq 28. august 2015 nassiunneqartumik.

Ad 6) Innuttaasut ilaat Sermiligaap Kangerluani uuliakoortoqarsimasinnaanera pillugu nalunaaruteqartuuvoq. Tamatuma kingorna uuliamik ujarlerniarlutik angallatit marluk aallarsimapput. Uuliamik mingutsitseratarsinnaaneq nassaarfigineqarsimanngilaq, tamannalu pissutigalu uuliakoorneq pisortatigoortumik uppersarsarneqarani. Uuliamik mingutsitsineq sumiiffissineqarsimanngimmat uuliap suunera, uuliakoorneq qanoq annertuginera paasissallugit periarfissaqarsimanngilaq. Tamanna pissutigalugu suliaq Naalackersuisunit matuneqarpoq.

Inussiarnersumik inuulluaqqusillunga

Karl-Kristian Kruse